

इवनिंग डोगरी न्यूज़ बुलेटिन

समे .1815

<><><><><><>

Headlines

- 1 राई-बाई सरबंधी केन्द्री मंत्री शिवराज सिंह चौहान होरें आखेआ जे केन्द्र सरकार जम्मू कश्मीर च 5 लख लोकें गी घर उपलब्ध करोआग।
- 2 अज्ज थमां औपचारिक तौरा पर शुरू होई दी सलाना श्री अमरनाथ जी दी यात्रा पहलगाम ते बालटाल दौनें रस्ते राएं सुचारू रूपै कन्नै चला करदी ऐ।
- 3 इस ब'रे दे जून म्हीने तगर 42 लख थमां बद्ध श्रद्धालुएं श्री माता वैष्णो देवी जी दे दरबार पर मत्था टेकेआ।
- 4 भावभीनी श्रद्धांजलि भेंट करियै झंगट दिवस मनाया गोआ। इस मौके उपपर उस्मान मेमोरियल वैबसाइट बी शुरू कीती गई।
- 5 जम्मू कश्मीर पुलस दी सेंट्रल स्पोर्ट्स कुश्ती टीम दा प्रतिनिधित्व करने आले बेनिया मिन ते इशाक अहमद होरें अमरीका च विश्व पुलस फायर गेम्स च सुन्ने दा तगमा जित्तेआ।

<><><><><><>

Shivraj Homes(byte)

राई-बाई सरबंधी केन्द्रीय मंत्री शिवराज सिंह चौहान होरें आखेआ जे जम्मू कश्मीर च तकरीबन 5 लख लोक इसलै ऐसे न जिंदे कश अपना मकान नेई ऐ। उनेंगी केन्द्र सरकार दी स्कीम तैह्त्त घर उपलब्ध करोआए जांगन। प्रधानमंत्री होरें फैसला कीता ऐ जे जिनें लोकें कश अजें बी घर नेई हैन, उनेंगी घर उपलब्ध करोआया जाग। एह गल्ल मंत्री होरें श्रीनगर च इक प्रेस कांफ्रेंस गी संबोधत करदे होई आक्खी। उनें आखेआ जे असें इक सर्वे करोआया ऐ ते तस्दीक करने आली प्रक्रिया जारी ऐ। चौहान होरें आखेआ जे जिसलै इक बारी तस्दीक करने आला कम्म मुक्कमल होई जाग तां घरें दी अलॉटमेंट आला कम्म शुरू होग। उनें आखेआ.....बाईट

<><><><><><>

Amarnath Yatra

अज्जै थमां औपचारिक तौरा उपपर शुरू होइ दी सलाना 38एं दिनें दी श्री अमरनाथ जी दी यात्रा अनंतनाग जिले दे पहलगाम ते गांदरबल जिले दे बालटाल राएं सुचारू ढंगै कन्नै चला करदी ऐ। अज्ज बडलै दौनें रस्ते राएं सख्त सुरक्षा बंदोबस्ते हेठ यात्रा शुरू होई। अज्ज बडलै पहलगाम रस्ते राएं 3 जहार शा मते श्रद्धालुएं गी चंदनवाड़ी आली बक्खी जाने दी अनुमति दित्ती गई। जिसलै केह बालटाल बेस कैंप थमां पवित्र गुफा लेई 9 जहार शा मता श्रद्धालुएं गी अनुमति दित्ती गई।

<><><><><><>

Div.Com Yatri Niwas(byte)

श्री अमरनाथ जी की यात्रा की दिक्खदे होई सारे श्रद्धालुएं जम्मू के भगवती नगर आले आधार शिविर पुज्जारदे न। एहदे चलदे जम्मू के डिवीजनल कमीशनर रमेश कुमार, डिप्टी कमीशनर सचिन कुमार वैश्य ते आईजीपी जम्मू भीम सेन टूटी होरें आधार शिविर दा चिरें रातीं दौरा लाया ते श्रद्धालुएं कन्नै मलाटी कीती। इस दरान उनें आधार शिविर च कीते गेदे इंतजामें दा जायजा लैता। उनें सारे सरबन्धी मैह्कमें कन्नै महत्त्वै आली बैठक बी लाई। उनें अधिकारिएं की हिदायत कीती जे ओह इस गल्ला की जकीनी बनान जे श्रद्धालुएं की कुसै चाल्ली की परेशानी नेई झल्लनी पवै। अपने अनुभव सांझा करदे होई किश श्रद्धालुएं आखेआ

<><><><><><>

SMVD Pilgrim (byte)

त्रिकुटा पहाड़िएं च स्थित श्री माता वैष्णो देवी की यात्रा पर मुख्य भरै के अलावा बाहरले मुख्यें थमां बी श्रद्धालु ओंदे न। श्राईन बोर्ड की अधिकारिक जानकारी मूजब इस बारे पैहली जनवरी मगरा 30 जून तगर 42 लख 9 ज्हार 28 श्रद्धालुएं पवित्र गुफा च मत्था टेकेआ। छड़े जून महीने च गै 9 लख 26 ज्हार श्रद्धालुएं पवित्र गुफा च मत्था टेकेआ ते आर्शीवाद लैता। यात्रा परओने आले श्रद्धालुएं लेई कीते गेदे बंदोबस्तें पर किश श्रद्धालुएं आखेआ

<><><><><><>

Jhangar Day(byte)

झंगड़ बटालियन नै 1948 च इससै दिन भारत पाक युद्ध दरान सर्वोच्च बलिदान देने आले ब्रिगेडियर मोहम्मद उस्मान एमवीसी हुंदी पुण्यतिथि मनाई ते श्रद्धांजलि अर्पित करदे होई झंगड़ दिवस मनाया। “नौशेहरा शेर” के तौरा पर जाने जाने आले ब्रिगेडियर उस्मान ते झंगड़ की लड़ाई च जम्मू कश्मीर की अगुवाई करदे होई लड़ाई दा रूख मोड़ी ओड़ेआ हा। उस्मान स्मारक च कमांडर, 80 इनफैंट्री ब्रिगेड ते बाल सैनिक बसंत सिंह हुंदे आस्सेआ कब्रगेडियर उस्मान ते राष्ट्र लेई जान नौशावर करने आले बहादुर जवानें की श्रद्धांजलि अर्पित कीती। इस मौके पर उस्मान मैमोरियल वैबसाइट www.usman memorial.in दा डिजीटलप्लेटफार्म बी शुरू कीता गेआ। मीडिया आले कन्ने गल्लबात करदे होई इक साबका सैनिक नै आखेआ

<><><><><><>

Search Operation

किश्तवाड़ जिले के जंगली इलाकें च छप्पे के आतंकवादिएं की फगड़ने लेई तपाशी अभियान जारी ऐ। कल कुच्चल छात्रु इलाके च सुरक्षाबलें ते आतंकवादिएं बश्कार टाकरा तपाशी अभियान दरान होआ। इस अभियान दरान ड्रोन ते खौजी कुत्तें की बी मदद लैती जा'रदी ऐ ते बाढ़ू सुरक्षाकर्मी बी लाए गेदे न। सेना—सीआरपीएफ आस्सेआ इलाके च आतंकवादिएं की मजूदगी बारे टकोहदी सूह थोने पर तपाशी अभियान चलाया गेआ हा। इस बारे होर जानकारी साढ़े जिला संवाददाता कैलाश नाथ कोला.....बाईट

<><><><><><>

Kishtwar Sarthal Yatra

किश्तवाड जिले च अज्ज सलाना माता सरथल देवी जी दी यात्रा पूरे उत्साह ते भक्तिभाव कन्नै शुरू होई। एह यात्रा हवन कन्नै शुरू होई। एह हवन गोरी शंकर मंदर सरकूट च होआ जित्थें श्रद्धालुएं पूर्ण आहूती दित्ती। इस मौके इक शोभा यात्रा कड्डी गई जेहड़ी चौगान मैदान, शहीदी चौक ते बस स्टेंड थमां होंदी होई निकली। ज्हारां बद्धे श्रद्धालु जिंदे च मर्द, महिला ते बच्चे शामिल हे, उनें पूरे उत्साह कन्नै एहदे च हिस्सा लैता। इस मौके पर साढ़े संवाददाता कैलाश नाथ कन्नै गल्ल करदे होई किश्तवाड थमां विधायक शगुन परिहार होरें आखेआ

<><><><><><>

DC Poonch

पुंछ दे डिप्टी कमीशनर विकास कुंडल होरें इक बैठक लाइवै पीएम सर्य घर मुफ्त बिजली योजना दी अमलावरी दा जायजा लैता। बैठक व केई सारे महत्वपूर्ण पैहुलुएं पर सोच बचार होआ ते छत्तें पर सौर पैनल लाना, पंजीकरण करना ते स्कीम तैहत माली मदद उपलब्ध करोआना बगैरा शामिल ऐ। बैठक दरान जानकारीह दित्ती गई जे कुल इक जहार 80 दरखास्तां हासल होइयां न। जिंदे च 151 गी लाने दा कम्म अजें तगर पूरा होई गेआ ऐ। कम्में च मट्ठी रफ्तार पर चिंता जाहर करदे होई डिप्टी कमीशनर होरें सारे अफसरें गी हिदायत कीती जे ओह कम्में दी री॥2तार गी बधान ते औने आले हफ्तें च गिनतरी च बाद्धा करन।

<><><><><><>

World Police

जम्मू कश्मीर पुलिस दी सैंट्रल स्पोर्ट्स कुश्ती टीम दा प्रतिनिधित्व करने आले कांस्टेबल बेनियामिन ते इशाक अहमद होरें अमरीका च होआ'रदे विश्व पुलिस ते फायर गेम्स च सुन्ने दा तगमा जित्तिथै जम्मू कश्मीर दा मान बधाया ऐ। बेनिया होरें इस गिमां पैहले ऑल इंडिया पुलिस किश्मी चैंपियनशिप 20253 च कैह दा तगमा जित्तेआ हा ते एहदे बाद 2024 च सुन्ने दा तगमा हासल कीता हा। जम्मू कश्मीर पुलिस दे वरिष्ठ अफसरें दौनें पहलवानें गी दिली मुबारकबाद दिंदे होई अंतर्राष्ट्रीय मंच उप्पर उंदी सफलता दी सराहना कीती।

<><><><><><>